

СЕДАНА БАРЧА ДАРДЛАРГА ШИФО

Тўплаб, нашрга тайёрловчи:
Аҳмад Муҳаммад ТУРСУН

«Voris» нашриёти
Тошкент
2007 йил

Дардни берган Парвардигор унинг шифосини ҳам берган. Шифони эса асосан набототда, ҳайвонотда ва табиат қўйнидаги бошқа неъматларда қилиб қўйган. Ана шундай шифобахш неъматлардан бири юртимизда ҳам кўп учрайдиган седанадир. Ҳадиси шарифда седана ўлимдан бошқа барча хасталикларга шифодир, дейилган. Ушбу китобчада седананинг хосияти, седана ва унинг ёғи қандай касалликларга шифо бўлиши, ҳалқ табобатида уни қўллаш усуслари ҳақида сўз юритилади.

СЕДАНА ҚАНДАЙ ЎСИМЛИК?

Ўзбекчада седана, арабчада шуниз, форсчада "сиёхдана", яъни қора дона, русчада чернушка посевная, лотинчада *Nigella sativa* деб аталади. Седана ўлимдан бошқа барча хасталикларга шифодир, бу ҳақда Пайғамбаримиз Муҳаммад алайҳиссаломдан ҳадиси шариф ривоят қилинган.

Седана бўйи 70 сантиметрга борадиган бир йиллик ўт ўсимлиқdir. Пояси текис, юмалоқ, тукдор, тик қадли бўлиб, баргалари 2-3 сантиметр узунликда патсимон бўлинган, Поячанинг пастки барглари бандли, устки барглари бандсиз, кетма-кет ўрнашган бўлади. Гуллари йирик, 5-8 гулбаргларга эга. Улар шохчаларнинг учидаги алоҳида-алоҳида жойлашган. Меваси ғилофли баргча. Уруғлари уч қиррали, ғадир-будур, қўнғир ёки қора доначалардир.

Седана май-июн ойларида гуллайди, уруғлари июл-августда етилади. Седана меваси пишиб етй-лишига яқин қолганда ўриб олинади. Уни яхшилаб куритиб, янчиб, уруғлари элақдан ўтказилади ва қуруқ жойларда сақланади.

Седана таркибида 0,4-1,5 фоиз эфир мойқ 40 фоизгача ёғ, мелантин ва нигеллин гликозидлари бор.

Седанадан шарқ ҳалқлари тадбиркорлик билан фойдаланиб келишган. У кўпинча куядори сифатида ҳам қўлланилган. Седананинг сирка билан аралашмаси ҳуснбузарларни, ўスマларни йўқотишда ишлатиб келинган.

Буюк хозиқ табиб Абу Али ибн Сино седана билан айрим кўз касалликларини даволаган. Седана ва асалга иссиқ сув қуиб, шарбат ҳолатига келтирган ва қовуқ ҳамда буйракдаги тошни даволашда ишлатган. Шунингдек, улуғ табибимиз седанадан гижжа хайдовчи, газандалар захрини кесувчи ва кишини тинчлантирувчи омил сифатида ҳам фойдаланган.

Ҳалқ табобатида седана уруғлари асосида тайёрланган дамлама тиш оғригини қолдиришда ишлатилади. Шунингдек, у меъда оғриқларида ҳам тавсия этилади.

Седана ўзбек пазандачилигида ҳам қўлланиллади, уни нон устига сепилади, бу нонни

чиroyли қилибгина қолмай, шифобахш дори сифатида ҳам ҳар қуни истеъмол қилинади. Бундан ташқари седана зиравор сифатида ҳам ишлатилади. Бодринг, карам, тарвузларни тузлашда ундан фойдаланиш мумкин.

Шуни айтиб ўтиш керакки, айрим жойларда уни хушманзара ўсимлик сифатида ҳам экишади.

СЕДАНАНИНГ ФОЙДАСИ

"Тибби Набавий" (Пайғамбаримиз табобатлари)да келтирилишича, "Седана билан нон бодларни суради. Бошнинг ярми оғришини ва ич кетишини тўхтатади. Юзнинг қийшайиши, сакта, қийналиб ва босинқираф ухлаш, хотира фаромушлиги, бош айланиши, кўз тиниши ва кўз олдининг қоронғилашуви каби хасталикларда седана жуда фойдалидир".

* * *

Жолинус ҳаким унинг фойдалари ҳакида бундай деган: "Седананинг фойдаси кўпdir:
Қориндаги дамни ҳайдайди.

Меъдадаги қуртларни ўлдиради.

Кўзда пайдо бўлган сувни даф қилади.

Агар уни товада қовуриб, латтага олиб ҳидласа, зуком хасталиги (грипп) да фойда қиласди.

Агар майдалаб эзиб, пешонага боғланса, бош оғригини қолдиради.

Сурма каби кўзга суртилса, унинг қизиллигини кетказади.

Агар сирка билан қўшиб боғланса, обила (қадок)ни кетказади.

Қичима касалида ёрдами тегади. Балғамли шишларни қайтаради.

Эмизикли она седана еса, сутини келтиради ва пешобни суради.

Уининг мойи инсонни ёшартиради, соқол ва сочининг ўсишини тезлаштириб, рангини қорайтиради.

У танадаги заҳарларни тортиб олиш хусусиятига эга.

Седана шаҳват қувватини орттиради".

* * *

Атоқли олимлардан Муҳйиддин ал-Арабий айтади: "Амалдорлардан бири жузом (мохов) касалига дучор бўлган эди. Табиблар унинг дардига чора юполмай, бу дардга даво йўқ, дейишиди. Иймони мустаҳкам, суннатга комил ихлос қўйган бир киши Пайғамбар алайҳиссаломнинг "Седана барча дардларга шифодир", деган ҳадисларини далил ўлароқ келтириб, табибларпийиг сўзларини инкор қилди. У седана ва асални қўшиб, дори тайёрлади ва беморни муолажа қила бошлади. Табиблар амалдорнинг тез шифо топганига хайратда қолишиди".

ИБН СИНО СЕДАНА ҲАҚИДА

Улуғ ҳаким Абу Али ибн Синонинг "Тиб қонун" лари" китобида (2-жилд, 590-591-бетлар) седананинг хоссалари ва давоси ҳакида шуидай ёзилган:

Седананинг табиати учинчи даражада иссиқ ва қуруқдир. У ўткир балғам кўчирувчи, тозаловчи, ел ва дамни шимдирувчидир. Хусусан унинг тозалаш хусусияти етарли даражададир.

* * *

Седана зийнат бобида осилиб турувчи сўгалларни, холларни, доғни, айниқса песни кетказади.

* * *

Шиш ва тошмаларда уни сирка билан қўшиб, "сутли тошмалар"га босилади. У шиллиқли ва қаттиқ ўスマларни ҳам шимдириб йўқотади.

* * *

Жароҳат ва яраларда сирка билан қўшиб, шилимшиқ яраларга ва ярага айланган қўтирга қўйилади.

* * *

Бош аъзоларида бўладиган турли хасталикларга ҳам седана энг яхши даводир. Масалан, у тумовга фойда қиласи, айниқса унинг қовурилганини каноп латтага ўраб ишлатса, фойдаси катта.

* * *

Седанани совуқ бош оғриги билан касалланган кишининг пешонасига суртилса, шифо бўлади.

* * *

Агар уни кечаси сирка билан ивтиб қўйиб, эрталаб янчилса ва касалнинг бурнига тортирилса ҳамда касал уни ҳидлаши учун бурни олдига қўйилса, сурункали бош оғриқлари ва юз фалажида фойда қиласи.

* * *

Седана ғалвирсимон суюқдаги тиқилмаларни очишда жуда яхши воситадир.

* * *

Унинг сиркада қайнатилгани билан, айниқса санавбар чўпи билан бирга қайнатилгани билан оғиз чайқалса, тиш оғриғига яхши фойда қиласи.

* * *

Кўз касалликларини даволашда ҳам у шифодир. Агар унинг янчилганини марсин дарахтининг ёғи билан бурунга тортилса, катаректанинг бошланишини қайтаради.

* * *

Нафас ва кўкрак аъзолари касалликлариди: седанани натрун билан қўшиб ичилса, "тикка

нафас олиш" касаллигига фойда қиласы.

* * *

Чиқариш аъзолари касалликларидан: седана ингичка гижжани ва қовоқ уруғига ўхшаш гижжани ўлдиради; бир неча кун киндикка суртиб юрилса, хайз қонини юриширади. Уни асал ва иссиқ сув га қўшиб ичирилса, қовуқ ва буйракдаги тошларга фойда қиласы.

* * *

Иситмани, хусусан балғам билан савдодан бўлган иситмаларни қолдиради ва йўқ қиласы.

* * *

Седананинг тутунидан газандалар қочади. Бир гурӯҳ табиблар седанани кўп истеъмол қиласа у ҳалок этади, дейишган. Ундан бир драхмий микдорида ичилса, қоракурт чаққанида фойда қиласы.

ҲУСАЙН ИБН БАЙРАМХОННИНГ "ТУҲФАИ ҲУСАЙНИЙ" АСАРИДАН

Иккинчидир қуруқ-иссиқ седана,
Бод кесади, жило беради яна.
Қорин қуртларини ўлдирап ҳар он,
Киши сийдигини қиласы равон.
Қовурилгач уни ҳидланса агар,
Тумов учун яхши фойда келтирап.

ҲАКИМ ДАВОИЙНИНГ "ФАВОЙИД АЛ-ИНСОН" АСАРИДАН

Қовуриб ҳидланса седана агар,
Тумоқ иллатида фойда келтирап.
Яна пес дардига фойдаси бордир,
Баҳаққа боғланса кўп нафи бордир.
Илон қони агар қўшилса унга,
Тери доғи кетар суркаса танга.
Қуруқ-иссиқликда иккинчи микдор,
Барча заҳар учун манфаати бор.

ХАЛҚ ТАБОБАТИДА СЕДАНАНИ ҚЎЛЛАШ

Ибн Сино тавсиясига кўра, седана ва асалдан тайёрланган дамлама буйрак ва пешоб ўйларидағи тошни майдалайдиган дорига айланади. Дамлама тайёрлаш учун ярим литрли чойнакка бир чой қошиқдаги қора ёки кўк чой солиб, устига 25-35 дона седана ташланади, қайноқ сув қўйилгач оловда 3-4 дақика дам едирилади. Сўнг ширинликлар билан истеъмол қилинади, агар асал билан ичилса, шифобахшлиги янада кучаяди.

* * *

Қоринда димланиш ёки ел кучайиб кетса, ёки ичак йўлларини тозалаш учун седана дамламаси энг яхши шифодир. Дамламани тайёрлаш учун ярим литрли чойнакка 20-25 дона седана ташлаб, кейин бир чой қошиқ қўк чой солинади, устидан иссиқ сув қўйиб, 4-5 дақиқа оловда дам едирила-ди. Дамламани ширинлик, айниқса асал билан ичиш тавсия этилади.

* * *

Седана дамламаси овқат ҳазмини яхшилашга ҳам ёрдам беради. Бундай дамламани тайёрлаш учун ярим литрли чойнакка озгина қора чой солиб, сўнгра 20-25 дона седана ташлайсиз. Устидан қайноқ сув қўйиб, оловда 3-4 дақиқа дам едирилади. Ҳазм қилиш учун чойга ўхшатиб ичилади.

* * *

Халқ табобатида пешоб (сийдик) ҳайдовчи восита сифатида седанали чой тавсия қилинади. Буни тайёрлаш учун ярим литрли чойнакка 20-25 дона седана солинади ва озгина чой қўшиб оловда дам едирилади. Сўнгра уни чойга ўхшатиб ичилади.

* * *

Седанадан етти дона олиб уни аёл сутида бир соат ивитиб қўйиб, ундан бурунга томизилса, сарик касаллиги ва кўз касаллигига фойда беради.

* * *

Киши танасида ҳўллик устун келса, исириқ ва седана уругини туйиб, унга бирор хил ширинлик қўшилади ва ҳаммомга кириб, шу аралашмани баданга, бармоқлар орасига яхшилаб суртиш тавсия этилади.

* * *

Одам тумов бўлганида ҳам седанали чой ичиш яхши фойда қиласи. Седанали чой тайёрлаш усулини юқорида келтириб ўтдик, факат бунда унга кўк ёки қора чой солинишнинг аҳамияти йўқлигини эслатиб қўймоқчимиз.

* * *

Иммунитет (тананинг ташқи таъсирларга дош бериши) сусайишида уни кучайтириш учун седанани янчиб, уни асалга аралаштирилади ва ҳар куни наҳорга шундан нўхатдай миқдордагисини истеъмол қилинади.

ЗУФУНУН ТАБОБАТИ СЕДАНА ҲАҚИДА

Седананинг бир марталик ичиш миқдори катталар учун 5 грамм, бир кунлиги эса 15 граммдир. Седана ёғини истеъмол қилиш миқдори ярим маҳал (бир маҳал 4,414 грамм), бир марталиси 2,2 грамм, кунлик ичиш миқдори 6,5 граммдир.

* * *

Седана ўз мижозидан келиб чиқиб балғам хилтини кўчиради, ел ва дамни шимдиради, оқ ва қора доғларни кетказади.

* * *

Шамоллашда хозиқ табиб тавсияси билан қуриган седана уруғидан 5 грамми овқатдан олдин кунига уч маҳалдан ичилса, фойда қиласди.

* * *

Соч тўкилишида (тулки касаллигига) седананинг 15 грамми 50 мл. узум сиркасида бир кунга қолдириб бўктирилади, сўнг сузиб олинган седана ҳавончада яхшилаб туйилиб, соч тўкилган жойга қўйилади.

* * *

Мижозидаги совуқлик туфайли пайдо бўлган бош оғриғида седананинг 15 грамми 50 мл. узум сиркасида бир кунга қолдириб бўктирилгач, седанаси сузиб олиниб ҳавончада туйилади ва яхшилаб сиқилса суви чиқади, шу сув 3 маҳал бурунга томизилади. Седананинг туйилганидан уч маҳал 10-14 кун давомида ичиб борилса ҳам бош оғриғида фойда қиласди.

* * *

Буйракда ва қовуқда тош пайдо бўлса, седананинг туйилганидан 5 граммига 15 грамм тог асалини қориб, иссиқ сув билан кунига уч маҳалдан овқатдан олдин ичиш тавсия қилинади.

* * *

Қовоқ уруғига ўхшаш гижжаларда седананинг 15 грамми туйиб-майдаланиб, Абу Жаҳл тарвузи шарбати (суви) билан қуюкроқ масса тайёрланади ва кунига бир мартадан кечқурунлари киндикка қўйилади. Агар киндик атрофида қизариш бўлмаса, бу муолажа 10 14 кун давом эттирилади.

* * *

Ун каби туйилган седананинг бир миқдори эмадиган бола сийдиги билан аралаштирилиб, қуюкроқ масса гайёрланади ва сўгал чиққан жойга қўйилса, уни туширади.

* * *

Тикка нафас олиш касаллигига 5 грамм седананинг майдаланганини 0,5 грамм сода (натрун) билан капаки қилиб кунига уч маҳал ичилса, иншааллоҳ фойда беради.

* * *

Сурункали бош оғриқларида седананинг 15 грамми 50 мл. узум сиркасида бир Қун бўктирилиб, сузиб олинган седана ҳавончада яхшилаб туйилади. Седананинг сиқиб олинган

суви ҳидланса ёки пешонага суртилса, тана мижозидаги совуқлик туфайли пайдо бўлган бош оғриғидан халос қилади.

* * *

Юз фалажида седананинг 60 грамми 200 мл. узум сиркасида бир кунга бўктириб қўйилади, сўнг сузиб олинган седанани ҳавончада яхшилаб туйиб сиқилгандаги суви ҳидланса ёки бурун тагига қўйилса ёки яланса, юз фалажига шифо бўлади. Туйилган седанадан 2-5 граммдан уч маҳал истеъмол қилса ҳам мақсадга эришилади.

* * *

Седананинг туйилган 15 грамми 25 мл. узум сиркасида бир кунга қолдириб бўктирилади, сўнг шиллиқли яраларга ва яраланган қўтиларга кунига 1-2 мартадан қўйилса шифо бўлади.

* * *

Тиш оғриғида седананинг 15 грамми 50 мл. узум сиркасига бир кун бўктирилади, сўнг сузиб олинган седана ҳавончада яхшилаб туйилади-да, уни сиқилгандаги суви тиш оғриғига жойга озгина пахтага шимдириб қўйилади.

* * *

Седанани туйиб, унинг 20 грамми санавбар чўпининг 25 грамми ва узум сиркасининг 100 мл. билан бирга қайнатилади, сўнгра сузилади ва оғиз чайилса, тиш ва милк оғриғига фойда қилади. Бу даво усууларини хоziқ табиб маслаҳати билан амалга оширса бўлади.

* * *

Сариқ касаллигидан сўнг бемор қўзининг оқида сариқлик сақланса, уни йўқотиш йўли шундай: седананинг 7 донаси бир кунга аёл сутида сақланиб, сўнг сузиб олинади, седанани туйиб, сиқиб олинган суви кўзга томизилса, унинг сариқлиги кетади.

СЕДАНАНИНГ ЁГИ ҲАҚИДА

Седана ёғининг халқ табобатида олиш усули қуйидагича: седананинг туйиб элақдан ўтказилган унидан 20 мисқоли (100 граммчasi) ва ширин бодом мағзи пўстининг ун каби туйилганидан 30 мисқоли (150 граммчasi) тагидан олов билан қиздирилган мис лаганга солиб, 5 мисқол (25 граммча) оққанд ёки шакар билан илиқ сувда биргаликда хамирга ўхшатиб ишланади, ишланиш давомида ҳосил бўлган ёғи олинади.

* * *

Шарқ табобати маркази томонидан тавсия этилган янгича усул қуйидагича: седананинг туйиб элақдан ўтказилган унидан 100 грамми солинган идишга керакли миқдордаги узум сиркаси седанани кўмадиган қилиб қуйилади, етти қун қоронги жода чайқатиб-чайқатиб сақланади. Сўнгра 500 мл. зайдун ёғи ёки ширин бодом ёғи билан биргаликда то узум сиркаси буғланиб кетгунча буғли сувда қайнатилади, лекин бунда ёғ доғ бўлиб кетмаслиги керак.

Сўнгра сузуб олинади.

* * *

Седана ёғи юз фалажида бурунга икки-уч ой давомида томизиб турилади.

* * *

Эмизикли онадан сут чиқишини кўпайтиради. Бунинг учун икки-уч ой давомида 2 граммдан уч маҳал ичилса ёки шу ёғдан кўкракка суртиш керак бўлади.

* * *

Қовоқ уруғига ўхшаш ва ингичка гижжаларни ҳайдаш учун седана ёғидан икки-уч ой давомида 2 граммдан кунига уч марта ичиб туриш тавсия этилади.

* * *

Яна шу мухлатда шунчадан миқдорда истеъмол қилинса ва киндик ости қовуқларга суртилса, ҳайз қонини ҳайдайди ва ўлик ҳомилани туширади.

* * *

Бавосир (геморрой) да седана ёғидан икки-уч ой давомида 2 граммдан кунига уч маҳалдан ичиб турилса, фойда беради, шунчасини йўғон ичак оғзига суртилса ҳам давоси бор.

* * *

Қораталоқ қаттиқлигини кетказиш учун юқоридаги усулда истеъмол қилиш ёки ташқаридан суртиш тавсия қилинади.

* * *

Седана ёғидан 2 граммини кунига уч маҳалдан тизза кўзига суртилса, унинг оғриқларига даво бўлади.

* * *

Совуқдан бўлган иситмада седана ёғидан икки-уч ой давомида 2 граммдан кунига уч маҳалдан ичилса, фойда қиласди. Юқоридаги ҳолатларнинг барчасида хозиқ табиб билан маслаҳатлашиб иш тутилса, мақсадга мувофиқ бўлади.

* * *

Седана ёғи танага суртилса, газандалар яқин ке-лолмайди ва чақмайди.

СЕДАНАНИНГ ҒАЙРИТИБИЙ ХОСИЯТИ ҲАҚИДА

Седана ёғи жигар учун ножўя таъсирга эга. Жигарида оғриқ бўлган ёки унинг фаолиятида ўзгариш бўлган bemorlarга седана ёғи истеъмол қилиш ман этилади. Ташқаридан суртиш мумкин, бу фақат хозиқ табиб ёки шифокор тавсияси билан бажарилади.

ХАЛҚ ТАБИБИ САФАР МУҲАММАД ТАВСИЯЛАРИ

Қовурилган седанани зайдун ёғига аралаштириб, тумов бўлган кишининг бурнига томизилади.

* * *

Ҳайз келмай қолганида 15 грамм седана, 30 грамм арпабодиён бир стакан сувда қайнатилиб, уч маҳал бир ош қошиқдан етти кун давомида ичилади. Бу қайнатма шамоллашда ҳам ёрдам беради.

* * *

Седана уруғини куйдириб, ёғ ёки хинага аралаштириб бошга суртилса, соч тўкилишининг оддини олади.

* * *

Седана уруғини аччиқ тарвуз (ханзил) сувига қўшиб киндик остига суртилса, қориндаги курт-гижжаларни туширишга ёрдам беради.

* * *

Исириқ ва седана уруғини туйиб, бирор ширинликка (асал ёки новвот) аралаштирилади. Сўнг иссик баданга суртиб, ўраниб ётилса танадаги намликни камайтиради.

* * *

Бавосирни даволашда седана уруғидан кунига 0,5-1 граммдан икки-уч маҳал истеъмол қилиб юрилади. Вазелин ёки мол ёғига аралаштириб касал жойга суртилса ҳам ёрдам беради.

Фойдаланилган адабиётлар

1. Абу Али ибн Сино. «Тиб қонунлари», II китоб, Тошкент, «Фан» нашриёти. 1982 йил, 590-591 бетлар.
2. М.Набиев, В.Шалиёв. А.Иброҳимов, «Шифобахш неъматлар», Тошкент. «Мехнат», 1986 йил, 75-бет.
3. «Табобат дурдоналари», Тошкент, Ибн Сино. 1990 йил, 75-бет.
4. Ш.Эргашев, «Табиатнинг ўзи табиб», Тошкент, Ибн Сино, 2003 йил.
5. Ж.Жўраев, М.Жўраев, «Зуфунун табобати», Тошкент, «Истиқлол», 2007 йил, 124-129-бетлар.
6. «Табобат хазинаси дурдоналаридан», Тошкент «Медицина», 1987 йил.
7. Алихонтўра Соғуний, «Шифо ул-илал». Тошкент, «Мовароуннахр», 2004 йил.